

**Hic**  
 secunda feria. ideo fit stacio ad sanctum paulum qui fuit sapiencior omnibus apostolis. seu cui dominus singulariter aperuit intelligenciam scripturarum. de quibus legitur in euangelio et in introitu. Vnde ipse dicit non a me nec ab homine accepi euangelium meum. sed per reuelacionem domini mei ihesu christi. vel quia per eum maxime adimpletum est quod in euangelio legitur. scilicet oportuit predicare penitentiam in omnes gentes. ideoque et eius predicacio legitur in hodierna lectione actuum apostolorum. hac die viri verberant mulieres prout sub pascha dictum est. Hac etiam die ad fontes inuis. pro eo quod hodie in introitu viri beati aqua sapencie potati. referuntur et in offertorio fontes aquarum aperuisse memorantur.

**De quarta feria.**

**O**stenso in tertia feria de celesti patria et per quod habeatur ostenso etiam in secunda feria quod in terram fluentem lac et mel. etc. introducimus ideo nunc in hac quarta feria mutamur ad illam vnde introitus est Venite benedicti patris mei etc. mat. h. xxv. ca. Quia vero dominus dicit. Penitentiam agite. appropinquabit enim regnum celorum. et quia ibi non intrant nisi purificati per penitentiam. ideo beatus petrus in epistola. Aperiens. actuum tercio inuitat iudeos ad penitentiam. ideo autem ad penitentiam inuitat homo. ut de filio diaboli fiet filius dei. et hec mutacio dextere excelsi propter quod in responso habetur. Dextera domini fecit virtutem. Sequitur alleluia de resurrectione. Surrexit dominus et cetera. Et in alijs ecclesiis est. Christus resurgens et cetera. Semper enim in hys diebus aliqua de resurrectione dicuntur. In alijs enim dicitur. Cum sederit. mat. h. xxv. ca. Quia vero hec mutacio fit etiam quando homines fiunt filij dei propter predicacionem. ideo in euangelio manifestauit se ihesus. iohannis xxj. capitulo. Dicit dominus Mittite in dextram nauigij. etc. hoc facit qui tantum predicat propter deum et tunc trahuntur magni pisces. Post ea dedit eis piscem assum. Piscis assus id est christus passus. Hec erit refectio in patria cum comedimus panem angelorum. De quo in offertorio Portas celi etc. Postcommunio est. Christus resurgens. ro. vj. capitulo. Et quia beatus laurencius fuit vnus de magnis piscibus et fuit assatus pro christo. ideo fit stacio ad beatum laurencium.

**De quinta feria.**

**Q**uinta feria est de conuersione gentium propter passionem et resurrectionem. vnde introitus est. victtricem manum tuam laudauerunt pariter cristiani quod sapientia aperuit os mutorum. vnde ysa. vice

himo quinto capitulo. Tunc claudus saliet sicut ceruus. et aperientur lingue mutorum quod factum est quando christus demones eiciebat. et faciebat homines mutos loqui. vnde in euangelio. Erat ihesus eiciens demonium et illud erat mutum. In epistola vero. Angelus domini actuum octauo significatur conuersio ista gentium. Vnde dicitur ibi de eunuchio qui conuersus est a philippo qui interpretatur os lampadis siue os illuminans. quia quod per scripturam inspectionem vel predicacionem conuertitur homo ut gentiles qui significatur per eunuchum quandoque vero per inspirationem conuertitur ad dominum. ut habetur in euangelio quod apparuit marie magdalene. Quia vero per conuersionem gentium factus est christus lapis angularis. ideo in versu responso habetur. Lapidem quem reprobauerunt edificantes et cetera. et quia vera conuersio fit per penitentiam. ideo sequitur alleluia mat. h. xxvj. In die resurrectionis mee dicit dominus precedam vos in galileam. id est in transmigratione de vicis ad virtutes. Euangelium. Maria stabat. iohannis vicesimo capitulo. est de apparicione domini. marie magdalene in specie ortulani siue peregrini. quia peregrinus est deus hominum quamdiu est in peccato. In offertorio. In die solennitatis. erodi quarto et xij. capitulo. similiter promittitur conuertentibus vera beatitudo. In postcommunione vero populus et cetera. Regum secundo capitulo. ad laudandum inuitamur. et fit stacio ad sanctos apostolos. quia in philippo qui interpretabatur os lampadis. intelliguntur omnes apostoli. pro quorum predicacionem conuersio gentium facta est. Item quia fratres domini. de quibus in euangelio legitur sunt apostoli per quos os muti apertum est. et diserte lingue infanciam. ideo stacio fit ibi.

**De sexta feria. R.**

**S**exta feria est de institutione baptismi vnde introitus est. Introduxit eos dominus. scilicet de egipto. id est de tenebris peccati. et inimicos eorum operuit mare. id est baptismus et subicit ibi ter alleluia. propter liberationem ab hostibus et bonum gracie. Postmodum sequitur epistola. christus. semel prima petri tercio capitulo. in qua beatus petrus agit de baptismo. et de archa noe. Sicut in diluuiio per archam salue facte sunt anime licet paucis scilicet octo similiter et in baptismo. quod sicut in aquis diluuii. que mundauerunt totum mundum. mundus a peccatis purgatus est. et per archam anime salue facte sunt. ita et in aquis baptismi. in quo omnia peccata mundata sunt. per ecclesiam saluati sumus. Sequitur graduale. Hec dies quam fecit dominus. versus. Benedictus qui venit in nomine domini.

est enim homo qui cōsecrat baptisma. sed deus est qui inuisibiliter baptizat. Unde sequitur. deus dominus et illuxit nobis. scilicet per illuminationem baptismi. et per illuminationem legis domini. Alleluia est. Angelus domini cum dupli-  
 plici versu. sicut in die pasche. in quibus dicitur ecclesijs. quia in hac die agit de institutione baptismi. Unus versus est propter cristi resurrectionem in corpore. alius propter stolam anime. quam in baptismo suscipiunt baptizati. Euangelium vero est de institutione baptismi. secundum mattheum ultimo capitulo. undecim discipuli abiierunt in montem quem constituit illis ihesus et sequitur ibi. Euntes docete omnes gentes. baptizantes eos. in nomine patris. et cetera. Et quia in memoria debemus habere istum diem propter institutionem baptismi. ideo sequitur in offertorio. Erat nobis memorialis dies ista et cetera. exo. xij. et. xij. capitulo. memorialis quidem debet esse dies. in qua de vicis ad virtutes transimus. hec enim dixit moyses in die pasche. Post communio est. Data est michi omnis potestas. mathei ultimo capitulo. Quia vero beata virgo creditur interfuisse in institutione baptismi quia ait iheronimus. ait hoc apud nazareth in domo eius actum est. ideo hac die fit stacio in ecclesia eius.

#### De sabbato in albis.

**S**equitur de sabbato in albis in quo est introitus. Eduxit dominus populum suum in exultatione. hoc maxime in extremo sabbato fieri intelligimus. quoniam erit verum sabbatum. Sed ne iudei credant hoc dictum esse de se. Sequitur in epistola beati petri prima. ij. capitulo. Fratres deponentes omnem maliciam et dolum. et cetera. sequitur duplex alleluia sine graduale. Primo quia nunc terminatur septuagesima postquam sequitur octava resurrectionis quando habebit duplex stola anime scilicet et corporis. et cessabit labor operis de quo dicitur in propheta huius partis. et sub ti. de septem diebus post pascha et in quarta parte sub titulo de alleluia. Secundo quia in die iudicii plenum erit gaudium pro dominica et nostra resurrectione. Tercio geminatur alleluia. quia tunc erit leticia sempiterna quia enim erit leticia unum alleluia quia sempiterna secundum concinitur alleluia. Quarto quod in octava resurrectionis omnis sollicitudo deponetur quod significat in hac octava die in qua vestis candida siue crismale deponitur. ideo in albis non cantatur graduale. sed duplex alleluia. quia tunc erimus in albis. Item quantum ad resurrectionem domini non debet graduale cantari. neque quantum ad baptizatos. et ideo cantatur unum alleluia pro baptizatis scilicet. Laudate pueri dominum. et aliud de resurrectione domini scilicet. Hec dies quam fecit dominus. preterea ideo post

alleluia hec dies sequitur alleluia Laudate pueri quia de leticia animarum transiunt ad gloriā incorruptibilem corporum. Euangelium vero una sabbati. iohannis vicesimo capitulo. est de duobus discipulis qui curabant ad monumentum. petrus scilicet et iohannes. qui significant duos populos. cucurrit tamen citius iohannes id est iudaicus populus. quia habebat prophetas scilicet iheremiam ysaia. et alios qui de passione domini locuntur. sed petrus citius intrauit. id est gentilis populus. non tamen intrauerunt iudei in multitudine. qui enim credit intrat. Sicut dicit augustinus Et attende quia epistola et euangelium huius sabbati concordant cum epistola et euangelio sabbati sancti prout dictum est sub titulo de septem diebus post pascha. In offertorio vero de illuminatione post baptismum aguntur grates. Benedictus qui venit et cetera. Postcommunio est. Omnes qui in cristo baptizati estis cristum induistis. gala. iij. die ista fit stacio ad ecclesiam beati iohannis in laterano. quod ibi enim in precedenti sabbato baptizati sunt pueri. et in octava die in lege circūcidēbatur ideo recte hac die ipsi conueniunt. ut hoc spiritualiter agatur in baptizatis. et hoc est quod dicitur in epistola. deponentes omnem maliciam et omnem dolum et cetera. quasi modo gemit infantes. ne per fenestras quinq; sensuum intret mors. Dicitur autem ad horas capitulum. Cristus resurgens. ro. sexto capitulo. et illud Expurgate vetera et cetera. i. ad corinthios. quinto capitulo. et illud Cristus passus est. prima petri. ij. Quia vero in tota septuagesima. que usque ad hanc diem protendit penitenciam egimus. ideo ecclesia hoc die celebrat in albis ut magis ac magis albi sumus sicut dominus ait in euangelio mathei. iij. Agite penitenciam. appropinquabit enim regnum celorum. Quare hoc sabbatum dicitur in albis. dictum est sub pascha. Hac die dominus papa distribuit agnos dei. Alicui etiam distribuitur cereus paschalis. de quo dictum est sub sabbato sancto. et cetera.

#### De recapitulacione euangeliorum. R.

**D**icitur etiam aliter dici. quod ideo in primis septem diebus baptismalia celebrantur officia. vel quia baptizati sapientia septiformi docentur. vel quia ipso tempore vniversitas dierum septenario voluitur quibus quia fides spes et caritas precipue sunt necessaria ideo tribus psalmis utimur in nocturnis. Singulorum autem dierum officia sic possumus septem spiritibus et beatitudinibus coaptare. officium quidem dominice resurrectionis pertinet ad timorem quo timemus terribilem sententiam iudicis. Cum enim dicit. pater rex et iudex omnium. Resurrexi et adhuc tecum sum. id est in fugillationem inimicorum.